

Kantona Sarajevo", br. 41/22 i 49/22), Gradsko vijeće Grada Sarajeva, na 35. sjednici održanoj dana 24.01.2024. godine, donijelo je

**ODLUKU  
O VISINI NOVČANOG IZNOSA "ŠESTOAPRILSKE  
NAGRADE GRADA SARAJEVA" U 2024. GODINI**

**Član 1.**

Ovom odlukom utvrđuje se visina novčanog iznosa "Šestoaprilske nagrade Grada Sarajeva" u 2024. godini.

**Član 2.**

Novčani iznos "Šestoaprilske nagrade Grada Sarajeva" u 2024. godini utvrđuje se u visini od 10.000,00 KM.

**Član 3.**

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-116/24  
24. januara 2024. godine  
Sarajevo

Predsjedavajući  
Gradskog vijeća  
Jasmin Ademović, s. r.

Na osnovu člana 31. stav (1) tačka b) Statuta Grada Sarajeva ("Službene novine Kantona Sarajevo", broj 7/23) i člana 13. Odluke o osnivanju Javne ustanove "Gradski Muzeji" Sarajevo ("Službene novine Kantona Sarajevo", br. 49/17 i 19/20), Gradsko vijeće Grada Sarajeva, na 35. sjednici održanoj dana 24.01.2024. godine, donijelo je

**ODLUKU  
O DAVANJU SAGLASNOSTI NA PROGRAM RADA JU  
"GRADSKI MUZEJI" SARAJEVO SA FINANSIJSKIM  
PLANOM ZA 2024. GODINU**

**Član 1.**

Daje se saglasnost na Program rada JU "Gradski Muzeji" Sarajevo sa finansijskim planom za 2024. godinu.

**Član 2.**

Ova Odluka stupa na snagu narednog dana od dana objave u "Službenim novinama Kantona Sarajevo".

Broj 01-GV-02-117/24  
24. januara 2024. godine  
Sarajevo

Predsjedavajući  
Gradskog vijeća  
Jasmin Ademović, s. r.

Na osnovu člana 31. stav (1) tačka b) Statuta Grada Sarajeva ("Službene novine Kantona Sarajevo", broj 7/23), kao i na osnovu člana 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo ("Službene novine Kantona Sarajevo", broj 51/21), Gradsko vijeće Grada Sarajeva, na 35. sjednici održanoj dana 24.01.2024. godine, donijelo je

**ODLUKU  
O UTVRĐIVANJU POSEBNOG ZNAČAJA ZA GRAD  
SARAJEVO ZA UDRUŽENJE TURISTIČKIH VODIČA  
SARAJEVA "VUČKO"**

**Član 1.**

Ovom Odlukom utvrđuje se da je Udruženje turističkih vodiča Sarajeva "Vučko" od posebnog značaja za Grad Sarajevo, kao organizacija čiji je jedan od ciljeva edukacija i trening članova Udruženja u cilju bolje prezentacije Sarajeva kao turističke destinacije te na taj način doprinosi afirmaciji

grada Sarajeva, a što predstavlja vrijednosti od posebnog značaja za Grad Sarajevo.

**Član 2.**

Djelatnosti Udruženja turističkih vodiča Sarajeva "Vučko" finansirat će se iz sredstava Budžeta Grada Sarajeva, iznosom od 4.000,00 KM (slovima: četirihiljade KM), kroz više budžetskih godina, odnosno dok Udruženje ispunjava opće i posebne uslove za sticanje statusa posebnog značaja za Grad Sarajevo, odnosno do prestanka statusa, u skladu sa Odlukom o načinu sticanja statusa udruženja i fondacija od posebnog značaja za Grad Sarajevo.

**Član 3.**

Nadzor nad provedbom Odluke vrši gradonačelnica Grada Sarajeva putem nadležne Službe.

**Član 4.**

Izmjene i dopune Odluke vrše se na način i po postupku za njeno donošenje.

**Član 5.**

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-118/24  
24. januara 2024. godine  
Sarajevo

Predsjedavajući  
Gradskog vijeća  
Jasmin Ademović, s. r.

Na osnovu člana 31. i člana 76. Statuta Grada Sarajeva ("Službene novine Kantona Sarajevo", broj 7/23), Gradsko vijeće Grada Sarajeva, na 35. sjednici održanoj dana 24.01.2024. godine, donijelo je

**ODLUKU  
O DAVANJU STANA NA PRIVREMENO KORIŠTENJE,  
BEZ NAKNADE, UDRUŽENJU "SRCE ZA DJECU  
OBOLJELU OD RAKA"**

**Član 1.**

(Predmet Odluke)

Ovom odlukom daje se Udruženju "Srce za djecu oboljelu od raka" na privremeno korištenje, bez naknade, stan u vlasništvu Grada Sarajeva, koji se nalazi u Sarajevu, u naselju Koševo – Vrtovi sunca, upisanoj u zemljišnoknjižni uložak broj 5172, katastarska općina: SARAJEVO V, pod rednim brojem 1. na parceli označenoj kao k.č. 1459/1E19, označenoj kao poseban dio stambenog objekta kolektivnog stanovanja lamela - E ulaz 1 - dvosoban stan br. 1 u prizemlju, koji se sastoji od sobe S-1 u površini od 22,28 m<sup>2</sup>, sobe S-2 u površini od 21,92 m<sup>2</sup>, kuhinje K u površini od 14,42 m<sup>2</sup>, ostale prostorije O-1 u površini od 5,05 m<sup>2</sup>, kupatila i WC-a u površini od 4,15 m<sup>2</sup>, ostale prostorije O-2 (X0,50) u površini od 3,96 m<sup>2</sup>, u ukupnoj površini od 71,78m<sup>2</sup>, i posebnog dijela stambenog objekta kolektivnog stanovanja, na parceli označenoj kao k.č. 1459/1E8 lamela E - ulaz 1- ostave 1-O u suterenu u površini od 4,40 m<sup>2</sup> upisanoj u zemljišnoknjižni uložak broj 5161, katastarska općina: SARAJEVO V na period od pet (5) godina.

**Član 2.**

(Svrha davanja nekretnine)

Svrha davanja nekretnine na privremeno korištenje, bez naknade, Udruženju iz člana 1. Odluke je smještaj roditelja koji nisu iz Sarajeva, a čija djeca borave na liječenju od malignih oboljenja u Sarajevu, i u druge svrhe se neće koristiti.